

HIERONYMUS.

ET ZEBIOΣ.

EUSEBIUS.

JESANA, videtur urbs fuisse in tribu Ephraim, 2 Paral. xlii. v. 19. siquidem ibi Abia rex Juda non videtur cepisse nisi urbes, quæ erant in confinio sui regni positæ, cujusmodi & erat Bethel, atque adeo in tribu Ephraim constitutæ.

JESIMON, videtur ut nomen proprium usurpari 1 Reg. xxi. v. 24. quæ vox appellativè sumpta significat *desertum*, quomodo etiam eodem Cap. Hieronymus in versione nostra reddidit, v. 19. Septuaginta Interpretes utrobique ut proprium nomen accepere, *Jessamu*. Crediderim ex re ipsa appellativum nomen quasi in proprium transivisse, ut sæpe; erat enim ibi desertum & solitudo, & ob id Hebræicè *Jesimon* dicebatur. Cum verò id *desertum* non alio nomine indigitaretur, quasi καὶ ἐρημὴν *solitudo*, hinc factum ut ei quasi nomen proprium id adhæserit. De eodem supra diximus in *ESIMON*.

JESSE, cujus fit mentio, Judith. i. v. 9. videtur poni pro *Gesse* vel *Gessen*; nam & in Græco est γέσση. Porro terram *Gessen* fuisse in Ægypto, in ipso videlicet primo Ægypti ingressu à Palæstina venientibus, in qua Israëlitarum in Ægypto habitavit, satis constat. Et verò non videtur locus ille supra commodè de alia ulla terra accipi posse, cum processus fiat exercitus Holofernis eo loco à Septemtrione in Austrum à Cilicia, Damasco, Libano, ad Judæos qui eis vel trans Jordanem habitabant, præsertim in Galilæa, inde ad Samariam, à Samaria ad Jerusalem: hinc vero fit progressus ad omnem terram *Jesse* quousque perveniatur ad terminos Æthiopiarum; quo in progressu ab Jerusalem usque ad terminos Æthiopiarum necessario transeundum est per terram *Gessen*. Estque res illa clarior è textu Græco, ubi magis particulariter loca singula designantur, ab Jerusalem enim fit progressus ad Betane, Chellus, Cades, flumen Ægypti, Taphnas, Rameffe, terram *Gesem*, Tanim, & Memphim, totam Ægyptum usque ad fines Æthiopiarum.

JESUE, inter urbes tribus Juda recensetur, 2 Esdræ xi. v. 26.

JETA, urbs est Sacerdotalis in tribu Juda, Jos. xxi. v. 16. quæ alibi Jos. xv. v. 55. *Jota* appellatur. Non aliam hanc esse existimo ab ea, quæ 1 Paral. vi. v. 59. dicitur *Asan*, ut demonstro, Josue xxi. v. 16.

JETEB A. Vide JETHABA paulò post.

JETEBATHA. Vide JETHABATA.

¹ JETHABA, urbs antiqua Judææ.

² JETHABATA, locus in deserto ubi torrentes aquarum demonstrantur. Ἰεθαβαθὰ, χειμάρροι ὑδάτων, τὸ ποτὶ τῆς ἐρήμου.

JETHABATHA, torrentes aquarum, locus in deserto.

³ JETHAEL, in tribu Juda. Ἰεθαήλ, φυλῆς Ἰούδα.

JECTHTHAEL, tribus Juda.

⁴ JETHAN, in tribu Juda civitas Sacerdotalis: Est hodieque vicus prægrandis Judæorum in decimo octavo lapide ab Eleutheropoli ad Australem partem in Daroma. Ἰετάν, φυλῆς Ἰούδα, πόλις ἱερατική. ἔστι νῦν κάμη μεγίστη Ἰουδαίων, Ἐλευθεροπόλεως ἀπὸ σημείων ἢ πρὸς νότον ἐν τῷ Δαρωμά.

JETTAN, tribus Juda, civitas sacerdotalis: nunc est vicus Judæorum maximus distans Eleutheropoli octodecim milliaribus versus austrum in Daroma.

JETHELA, urbs in tribu Dan, Jos. xix. v. 42.

⁵ JETHER, in tribu Juda civitas Sacerdotalis, & nunc est villa prægrandis Jethira nomine in vigesimo milliario Eleutheropoleos, habitatores quoque ejus omnes Christiani sunt. Sita est autem in interiore Daroma juxta Malathan. Ἰέθερ, πόλις Ἰούδα, φυλῆς ἱερατικής, καὶ πόλις ἱερατική. ἔστι νῦν κάμη μεγίστη Ἰεθερά ὡς ἀπὸ σημείων καὶ Ἐλευθεροπόλεως ὅλη Χριστιανῶν ἐν τῷ ἔσω Δαρωμά, πλησίον Μαλαθῶν. καίται καὶ ἀνωτέρω.

JETHER, civitas Juda, tribus sacerdotalis, & civitas sacerdotalis. Nunc est villa maxima Jethira in vigesimo milliario Eleutheropoleos: tota Christianorum in interiore Daroma, juxta Malathon. Extat & supra.

⁶ JETHER, ad quam misit David: nunc est villa in Daroma nomine Jethira. Ἰέθερ, ἔνθα ἀπέστειλε Δαβὶδ. κάμη νῦν ἐστὶ Ἰεθὼρ ἐν τῷ Δαρωμά. καίται καὶ ἀνωτέρω.

HIETHER, ad quam misit David: nunc est vicus Hiethora in Daroma. extat supra.

⁷ JETHETH, regio Principum Edom in eadem, de qua supra diximus, Gabalene. Ἰέθεθ, χώρα ἡγεμόνων Ἐδὼμ ἐπὶ τῆς αὐτῆς Γεβαληνῆς.

JATHER, regio principum Edom in ipsa Gebalena.

⁸ JETHLAN, in tribu Dan. Ἰεθλάν, κλίθε Δάν.

JETHLAN, fortis Dan.

N O T A E.

1. Ea est credo, quam *Jeteba* vocat versio nostra, 4 Reg. 21. v. 19. Sed quod ejus loci alibi nusquam fiat mentio, & locus fortè fuerit ignobilis, aliud hic nihil potuit dicere, quam esse urbem antiquam Judææ: rectius fortè dixisset fuisse oppidulum vel vicum ignobilem. BONFRERIUS.

2. In versione nostra hæc Israëlitarum mansio dicitur *Jetebatha*, Num. 33. v. 33, 34. Deuteron. 10. v. 7. de qua & supra, decurtata non nihil voce *Jebata*, Eusebius meminit. IDEM.

3. Hæc in versione nostra Jos. 15. v. 38. *Jethel* appellatur. IDEM.

4. Hæc est illa, quam supra in versione nostra diximus vocari *Jeta* vel *Jota*. IDEM.

5. Hujus inter urbes Juda fit mentio, Jos. 15. v. 41. inter ejusdem verò tribus urbes Sacerdotales censetur, Jos. 21. v. 14. & 1 Paral. 6. v. 58. IDEM.

6. Intellige mississe præde de Amalecitis reportatæ partem, 1 Reg. 30. v. 27. Hæc præcedenti non est diversa, ut omnes arguant circumstantiæ. IDEM.

7. Legimus in Scriptura *Jetheth* nomen proprium unius è posteris

Esau, Gen. 36. v. 40. & 1 Paral. 1. v. 51. at pro regionis nomine nusquam usurpatum legimus, etsi fieri potuit, ut ab illo inter Idumæos viro principe alicui in Idumæa provinciæ impositum nomen remanferit. Alias jam non semel notavimus Eusebium nomina principum Edom, quæ habentur Gen. 36. pro urbium regionumve nominibus accipere. IDEM.

8. Hæc est illa, quam supra in versione nostra diximus *Jethela* nuncupari. IDEM.

9. Τὸ ποτὶ ἐπὶ τῆς ἐρήμου] Hæc omiserat Bonfrerius, nec scio quare. CLERICUS.

10. Πόλις Ἰέθε, φυλῆς ἱερατικής, καὶ πόλις ἱερατική] Hæc est mera βαρβαρολογία dormitantis Librarii, aut parum attentæ; scribendum, ut habet Hieronymus, φυλῆς Ἰέθε, πόλις ἱερατική. Sic passim loquitur Eusebius. IDEM.

11. Πλησίον Μαλαθῶν] Imò Μαλαθῶν, nam Μάλαθα vocabatur numero multitudinis, ut jam supra pag. 89. in voce Ἀσσαυθαμῶν observavimus. Apud Hieronymum etiam legendum *Malatha*, non *Malathan*. IDEM.

7. Ea-